

1 JÓÁA

Tujkénú Jóáa cáátúnuháámi

Mepájtyeténe uubálleju

¹ Ámúhake ó caatúnú Críjtodítýú dííbyej tééverí Píívyéébe meke pájtyetétsóóbedítýú íjcyáné uubálle. Diibyéhjáa ihdyu íjcyadúré ícyahíjcyá ipíívyema íjcyátuube ííñujíi ípívyéévéetúné ihdájucó. Áábekée muha maájtyúmiibe ihjyuváné muha mélleebóhi.

² Aabée bóhówáávéebedítýú íjcyáné uwááboju íñe ámúhake ó úúbállehíjcyá múijyú medsíjívéjúcóóítýúne bóhí dííbyedítýú meújcúné uwááboju. Aabéhjáa ihdyu íjcyadúré Cááníma ícyahíjcyároobe botsíi méhdivu bóhówaavéhi.

³ Aanée páneere dibye méénunéhjí muha máájtyumíhi. Áhdurée dibye ihjyuváné muha mélleebóhi. Aane ámúhake ó úúballé ímí tsame meíjcyame menáhbévájcatsí íñe muhdú muha Cááni Píívyéébeé, diibye Ílli Jetsocríjtoó, íjcyámútsima meíjcyadu.

⁴ Aane ámúhake ó úúballé tééneri ámuha meímíjyuúki.

Píívyéébedi ímiáájju

⁵ Áané uwáábojúu dííbyere Jetsocríjtó múúhake úwaabóné íñe ámúhake ó úúballé Píívyéébe ímiáábé íjcyáábedi ííne ímítýú íjcyatúne.

⁶ Áábeke 'ímí ó úraavyé' menéérome ímítýunéhjí meméénúhajchíi íllure máallíhi.

7 Áánetu ímiáábé dibye íjcyadu meíjcyáhajchíí ímí ménahbévájcatsí pamévamáye. Áijyu tsá íná máhallúrí íjcyájúcootú tsúúcajáa Ílli Jetsocríjtó ítyujpácyó iwáágóóneri páneere méimítyú ímbájchónéllíihye.

8 Áánetu ímityúmé meíjcyarómé ‘tsá ímityuube o íjcyatúne’ menéhajchíí íllure máállímyeímyé pañe tsá ímiáájú íjcyatúne.

9 Árónáa ihdyu Píívyéébe ímiáábé íjcyaaabe íñéhdú méénúúbeke méimítyuháñé meúúbálléhajchíí méhdi ídáátsóvéne mééma ímbájchoobe páneere.

10 Áánetu ‘tsá mújyú íné ímityú o méénutúne’ menéhajchíí Píívyéébeke állíu múnáájpidi médíllóhi. Aane ehdu menéeme tsá ímí dííbyé uwááboju mecáhcújtsotúne.

2

Críjto mépiááboobe

1 Ámuúha Llihíúmuj, ícyooca íñe ámuúhake o cáátúnúné pañe o néé ámuha ímityúné meméénútuki. Árónáa ihdyu ímityúné meméénúhajchíí Jetsocríjtó ímiáábé mépiááboobe íjcyaaabe meke Méécáání húmíj pínévú píaabóhi.

2 Muuráhjáa pájámeíbyé méimítyuháñé mééma ímbájchoki. Árónáacáa tsá apáámyéllíihyéré méhllíí dibye dsíjívétúne. Muuráhjáa pámeere míamúnaa ííñújiri íjcyáméllíi dsíjíveébe.

3 Aane muurá ihdyu Píívyéébé taúhbajúúné néhdú meíjcyánetu méwaajácú ímiááné dííbyeéjté meíjcyane.

4 Áánetu tsaate ‘dííbyeéjité muúha’ néérome dííbyé taúhbajúúné néhdu íjcyatúmé állíu múnaa. Áámé pañe tsá ímiáájú íjcyatúne.

5 Muurá ihdyu Píívyéébe néhdu meíjcyame dííbyeke méwajyúhi. Áánetu méwaajácú ímiááne dííbyeéjité meíjcyane.

6 Áánéllii múu tsaate ‘Píívyéébeke ímí ó úraavyéhi’ nééme íjcyá muhdúhjáa ííñújri Jetsocríjtó ícyahíjcyádu.

Tsiiñe taúhbaju bóhówaavéne

7 Ámuúha táñahbému, íñe ámuha éllevu o cáátunúné tsá béhné taúhbaju íjcyatúne. Muuráhjáa ihdyu tsúúcajátújuco ámuháma tene íjcyane. Áánéllii tsúúca ámuha teene méwaajácúhi.

8 Árónáa béhnéuvúdú ámuhákye ó nehíjcyá muhdú Críjto meke wájyudu ámuha mewájyújcatsíki. Muurá tsúúca ímityúné ámuha meícyahíjcyáne meíhvéjtsóne ímiáájuréjuco meúraavyéne.

9 Aane muurá ‘ímiáájú ó úraavyéhi’ menéérome ménahbémuke menéhnílléhajchíí ímityunéjcuréi meúraavyéhi.

10 Áánetu ihdyu ímiááne ímiáájú meúraavyémé méwajyú ménahbémuke. Aame tsáhájucó ímityúné pañévú memújtatúne.

11 Áánetu ménahbémuke menéhníllémé ímityúné pañe méijcyáhi. Aame teene meke mújtatsómé méijcyá éhne múúne hállúvatúmé íjcyadu wáájácúmeítyúme.

12 Aane íñe ámuha áátsimédú menéemeke ó caatúnú tsúuca Jetsocríjtoj tééveri Píívyéébe ámúhadi ídáátsóvéne ámúhá imítyú imíbájchómeke.

13 Aane ámuha kéemejtéké ó caatúnú tsúuca Jetsocríjtoke páneeréikyée ípívyéévétúné ihdejuco íjcyáábeke ámuha mewáájácúnéllíhye. Áhdure ámuha ováhtsámuke ó caatúnú tsúuca ámuha Naavéneke metáhjánéllíhye. Áhdure ámuha tsiméké ó caatúnú tsúuca Méécáánikye ámuha ímí mewáájácúnéllíhye.

14-15 Ahdícyane páneere kéemejtemá ováhtsámú tsúuca Píívyéébeke ímí ámuha meúraavyémé Naavéneke metáhjame tsá múu íjyácunújúcootú ííñújíénéhjiri. Muurá tsaate ténéhjiríyé íjcyame tsá Píívyéébeke wájyutúne.

16 Muurá páneere ííñújíene tsá Píívyéébedítýú tsáátune. Naavénédítyúré tsáane méjpiíyi ímityúné meméénúyóneri meúmúúpivyéne, íná meíténeri meúmúúpivyéne, meéhnéváneri memítýájkímyeíñe.

17 Áronéhjí muurá páneere tééjima wágóóveéhi. Áánetu ihdyu Píívyéébe ímillédú ícyahíjcyámé tsá mújýú muhdú íjcyáítýúne.

Ímíáájú

18 Ahdícyane, ámuúha Llihíúmuj, tsúuca ííñuji méema níjkévaáhi. Muurá tsúuca ámuha méwaajácú téené ihde Críjtoke múnáátsohíjcyaaabe bóhówááveíñe. Muurá tehdu néeme mítyaméjuco méhdivu bóhówáávénetu méwaajácú tsúuca ííñuji méema níjkévaíñe.

19 Muuráhjáa tujkénú meke íñáhbévahíjcyáróne méhdityu íhvetémé ímíá nahbémú íjcyátúnéllíhye.

Ímiá nahbémúu ijcyaca tsá ditye méhdityu dówáávéityuróne. Áánetu méwaajácú ménahbémú ditye ijcyatúne.

20 Áánetu ihdyu tsá ámuha diityédú menéétune. Muurá ihdyu tsúúca Píívyéébé Apííchó ámúhá pañe ijcyánéllii ámuha méwaajácú ímiááju.

21 Tsá idyé ámuha mewáájácútúnéllii ámúhakye o cáátúnutúne. Muurá tsúúca ámuha méwaajácú keená állíuré ijcyane. Áánéllii ámúhakye ó caatúnú ámuha maállítsámeityuki.

22 ¿Aane caatyé íñe diitye állíu múnaa? Jetsóo Críjto Mépájtyetétsoobe ijcyatúné néhijcyámé muurá állíu múnaa. Aame illure dííbyeke ehdíívállehijcyá Cááni Píívyéébema diityétsikye icyáhcújtsótúnéllíihye.

23 Muurá Íllíkye cáhcújtsótúmema tsá Cááni Píívyéébe ijcyatúne. Áánetu ihdyu dííbyeke cáhcújtsómema ijcyáabe.

24 Aane muhdúhjáa ámuha tsúúcajátújuco teene melléébone ímí mecáhcújtsóhajchíí íñé imíjyaú ámuha méíjcyáá Méécááni Píívyéébeé, Ílli Jetsocríjto, ijcyámútsima.

25 Muuráhjáa dííbyere Jetsocríjtó nées múijyú medsíjivéjúcóóityúne bóhívu meke iájcune.

26 Ehdu íñe ámúhakye ó caatúnú tsaate ámúhakye mújtátsóiyóné ihdétu.

27-28 Árónáa tsá múha ámúhakye állíityuró Píívyéébé Apííchovu tsúúca Jetsocríjtó ámúhakye ájcúmeke. Áánéllii tsá múha ámúhakye úwáábóityuró téenere ámúhakye

úwáábohíjcyánéllíhye. Áané uwááboju muurá tsá álliu íjcyatúne. Ahdícyane, ámuúha Llihíúmuj, ímíñeúvú meíjcyá Críjtoma muhdú Píívyéébé Apííchó ámuúhakye túkëvejtsódú mújyú tsiíñe díbye tsáácooca íñerí núcójpívetúmé tsáimíyé díbyeke ámuha mewáátsúcúpéjtsoki.

²⁹ Muurá ámuha méwaajácú Jetsocríjtó ímiáábé íjcyabe mújyú ímityúné méénutúne. Ahdu íjcyame Píívyéébej tsíímé ijcyáhi.

3

Píívyéébej tsííme

¹ Cáhawáá méijtsúcunu muhdú Píívyéébe mítyane meke iwájyúnéllí ítsíímedi díllone. Aame ímiááné díbyej tsíímé méijcyáhi. Áanetu díbyeke cáhcújtsotúmé tsá wáájacutú díbyeéjté meíjcyane díbyeke iwáájacútúnéllíhye.

² Ámuúha táñahbému, ímiááné tsúuca díbyej tsíímé meíjcyarómé tsáhái ímí mewáájacutú muhdú meíjcyaiñé nihñévúre. Áronáa méwaajácú Críjto meke újcúvácooca díbyedúrējuco meíjcyaiñé díbyeke maájtyúmííñéllíhye.

³ Muurá ímiááné díbyeke mecáhcujsómé métsúúráméíhijcyá ímiáámerējuco meíjcyáíyóneri díbye íjcyadu meíjcyaki.

⁴ Áanetu ímityúné meméénuhíjcyámé Píívyéébé taúhbaju íllure méehdíívalléhi. Muurá tsá díbye ímíllétú ímityúné meméénune.

5 Muurá ámuha tsúuca méwaajácú Jetsocrijtóo múijyú ímityúné méénútuube ííñujívú tsááne méimítyuháñé méhdityu iwáágóoki.

6 Aane pámeere ímí dííbyema íjcyame tsá ímityúné méénutúne. Áánetu ímityúné méénuhíjcyámé tsá dííbyeéjté íjcyatúne. Aame tsá dííbyeke wáájácutúne.

7 Ahdícyane, ámuúha Llihíúmuj, tsáma tsaatédívú máállítsámeídíñe. Muurá ímiáánéré méénuhíjcyámé ímiáámé íjcyá Jetsóo íjcyadu.

8 Áánetu Naavéneéjté íjcyame ímityúné méénuhíjcyá tsúúcajátújucóo díbye íjcyadu íjcyánéllíihye. Áánéllíihyée muurá Píívyéébé Hajchi tsáá ííñujívú dííbyeke ityáhjáne díbye tútávajtsonéhjí íímíbájchoki.

9 Aane ímiááné Píívyéébej tsíímé meíjcyame tsáhájucó ímityúné meméénutú béhné íjtsaméivúréjucó díbye meke ájcúnéllíihye. Aame tsáhájucó ímityúmé meíjcyatú tsúuca ítsíímedi díbye meke díllome.

10 Aane muurá méwaajácú caatyé Píívyéébej tsíímé íjcyane. Áhdure méwaajácú caatyé Naavénej tsíímé íjcyane muhdú ditye íjcyánétúre. Muurá ímityúné meméénuhíjcyámé ménahbémuke mewájjutúme tsá Píívyéébeéjté meíjcyatúne.

Mewájjycatsíñe

11 Muurá ámuha méwaajácú tujkénúu meúwáábójcatsíñe muhdú mewájjycatsíiyóne.

12 Aame tsá meíjcyatú Caiúvúhjáa íjcyadu. Muuráhjáa Naavéneéjpi íjcyánéllíi íñáhbeke lííihyánuúbe. Aanée ¿íveekí líihyánuube íñáhbeke?

Dibyéhjáa múhdurá méénúnáa íñahbe ímí méénune itsárílléne dífbyeke llihyánuúbe.

13 Ahdícyane múhdurá méjtsúcunúdí ámúhakye Píívyéébeke cáhcújtsotúmé néhnílléhajchííjyu, ámuúha táñahbému.

14 Muurá méwaajácú Píívyéébeéjté mejcyame ménahbému mewájyume mújyú medsíjívéjúcóóítyúne bóhíma mejcyane. Áánetu íñahbému wájyutúmé tsá téénema íjcyatúne.

15 Muurá dsíjívétso múnaádú néeme íñahbému nehnílléhi. Aane muurá ámuha méwaajácú tsíjtyeke idsíjívétsóiyóneri íjyácunúhíjcyámema mújyú medsíjívéjúcóóítyúne bóhí íjcyatúne.

16 Muurá méwaajácú muhdúhjáa Jetsocríjtó meke iwájyune úújetsóné idsíjívéneri. Ahdu téhdure ménahbému méúújétsóiyá diityéké mewájyune.

17 Ditye píhtónetu diityedí meíááatsóvéne mepíáábótúhajchíí tsá ímíáánetúré Píívyéébeke mewájyutúne.

18 Ámuúha átsíímédú ámuha menéémeéj, tsá múu apááñéré íhgyúri íñahbému wájyutúne. Múu ímíááné diityéké iwájyune úújetsó diityéké ípíáábóneri.

Píívyéébema ímí mejcyane

19 Ehdu meméénune ímíáánéjuco ímíáájú meúraavyéne. Aame méwaajácú ímíááné ímí Píívyéébema mejcyane.

20 Muurá ímityúné meméénune méwaajácúhi. Aane Píívyéébe íná túhúúlléébejíí waajácú muhdú meícyahíjcyáne.

21 Ámuúha táñahbé muj, muurá ímityúné meméénútúcooca méwaajácú ímí Píívyéébe meke íjtsúcunúne.

22 Aabe meke ajcú páneere dííbyeke metáúmeíñé dííbyé taúhbajúúné mecáhcújtsóne díbye ímillédú meíjcyámeke.

23 Meke muurá táúhbaabe Ílli Jetsocríjtoke mecáhcújtsóne mewájyújcatsí muhdú meke díbye wájyudu.

24 Díbye meke néhdu meíjcyame ímí dííbyema méíjcyáhi. Aame méwaajácú mééma díbye íjcyane Íapííchó mépañévú ipícyóónej téeveri.

4

Ímiáájú Píívyéébedítýú tsááneé

1 Ámuúha táñahbé muj, tsá múu peecutére cáhcújtsotú tsaate ámúhama Píívyéébé icyánéjcuri íhjuváne. Tujkénú múu ímíñeúvú íjtsó iwáájácu ímiááne dííbyedítýú tene íjcyáhajchííjyu. Muurá mítyame állú múnáa dííbyé íhjuú uubáalle múnáadi idíllómeíñe úwáábohíjcyáhi.

2 Aane cáhawáá ámúhake o nées muhdú mewáájacúné ímiááne Píívyéébé Apííchó túkevéjtsori úwáábohíjcyámeke. Muuráhjáa íhdyu Jetsocríjtó Píívyéébé Hajchi íjcyabe Míamúnáájpidívú ípívyéévéne ííñujívú tsááne cáhcujtsómé úwáábohíjcyá Píívyéébé Apííchó túkévéjtsóneri.

3 Áánetu teene cáhcújtsotúmé tsá téené túkevéjtsori úwáábotúne. Críjtó munáajpi Naavéné apííchó túkevéjtsoríyé úwáábohíjcyáme. Aane díityé

uwááboju tsúúca ijcyá ííñújiri éhnée éíjyújuco tééné uubállé ámuha melléébone.

⁴ Ámuúha Llihíúmuj, muurá Píívyéébeéjté ámuha meijcyame tsúúca diityéké métahjá diityémá ijcyáábé ihnáhó éhniíñevu ámúhama ijcyáábé ihnáhó ijcyánélliíhye.

⁵ Iji múnaaré ijcyánéllii míamúnáadityuré tsáané íjtsaméi ditye úwaabóné diitye míamúnaa lleebúcunúhijcyá téhdure tééji múnaa ijcyánélliíhye.

⁶ Áánetu ihdyu Píívyéébeéjté meijcyánéllii téhdure dííbyeke wáájacúmé meke lléébohíjcyáhi. Áánetu dííbyeke wáájacutúmé tsá meke lléébotúne. Ááneturé méwaajácú caatyé ímiáané Píívyéébe Apííchó túkevýtsoori úwáábohíjcyáne, áánetu caatyé álliúré Naavéné apííchó túkevýtsoori úwáábohíjcyáne.

Píívyéébe meke wájyune

⁷ Áánéllii metsu Píívyéébedityú tsáané íjtsaméima meijcyame mewájyújcatsíki, ámuúha táñahbému. Muurá mewájyújcatsíñeri méúújetsó ímiáané dííbyej tsíímé meijcyame dííbyeke mewáájacúne.

⁸ Áánetu tsíjtyeke wájyutúmé tsá dííbyeke wáájacutúne. Muurá dííbyej tsíímé ijcyaca tsíjtyeke wájyúiyá muhdú dibye meke wájyudu.

⁹⁻¹⁰ Muuráhjáa méicyánéjcutu dííbyeke mewájyútúrónáa meke mítyane iwájyune úújétsoobe apáábyéré Ílli ijcyáábeke ííñújívú dibye wáalloobe dsíjívénej tééveri méimítyuháñé ábájíívémeímyé mújyú medsíjívéjúcúóóityúné bóhí meújcuki.

11 Áánéllii méwajyújcatsíiyáhi, ámuúha táñahbémuŷ.

12 Muurá dííbyeke mújyú maájtyúmiturómé mewájyújcatsíhajchíí méwaajácú Íapííchó mépañe íjcyane.

13 Áánevu meke dibye ájcúnéllii méwaajácú ímiááné dííbyeéjté meíjcyane.

14 Muuráhjáa muha Jetsocríjtoke maájtyumímé íñe méúúbállehíjcyá Méécáánii dííbyeke ííñújívú wálloone dííbyej tééveri pámeere míamúnáake ípájtyetétsoki.

15 Aane Jetsóó Píívyéébé Hajchi íjcyane mecáhcújtsóne dííbyedívú mecátsípaavémé tsaímíyé Píívyéébema méíjcyámé pañe íjcyabe Íapííchoj tééveri.

16 Aane dibye meke wájyune mewáájácúnéllii dííbyeke mecáhcújtsóne dííbyedívú mecátsípáávehíjcyáhi. Muurá ihdyu íjcyaduré meke wájyuúbe. Aane pámeekéré mewájyume ímí dííbyema meíjcyámema idyé íjcyabe Íapííchoj tééveri.

17 Muuráhjáa muhdú Jetsocríjtó ííñújiri íjcyadu meíjcyáneri méúújtsó ímiááné dííbyeke mewájyune. Aabe meke wájyunéllii tsá meíllityétú nihñéétsihvúré mééma dibye muhdú meícyahíjcyáné ímíbájchóíñeri.

18 Muurá meke wájyúmedi tsá meíllityétúne. Áánetu meke wájyútúmeke méíllí ditye meke ímítyú dáríívéiyónéllíihye. Muurá tsaate meke wájyune mewáájácútúnéllii díityéké méíllíiyáhi.

19 Árónáacáa ihdyu Píívyéébe tsúúcajátújuco

meke wájurye mewáájácúnéllii dííbyeke méwajyúhi.

20 Áánetu ‘Píívyéébeke ó wajyúhi’
menéérome ménahbémuke menéhnílléhajchíí
íllure máallíhi. ¿Muhdú maájtyúmírómeke
mewájyúmejííva Píívyéébeke méwájyuú awáá
maájtyúmííbekéjíívari?

21 Árónáacáa meke neebe dííbyeke mewájyúne
téhdure ménahbémuke mewájyuki.

5

Ímityúné metáhjane

1 Muurá Jetsóó Mepájtyetétsóóbeke
mecáhcújtsóóbedívú mecátsípaavémé méijcyá
Píívyéébej tsííme. Aane dííbyeke wájurye téhdure
íítsíímeke wajyúhi.

2 Aane dííbyeke mewájyúnéllii dibye meke néhdu
meíjcyame téhdure tsijtye dííbyej tsíímé íjcyameke
ménahbémuke méwajyúhi.

3 Muurá dibye néhdu meíjcyáneri méúújetsó
dííbyeke mewájurye. Aane tsáháturo túhuutúne.

4 Muurá dííbyej tsíímé meíjcyame ííńújí
imítyuháńé metahjá Jetsóoke mecáhcújtsóneri.

5 Píívyéébé Hajchi dibye íjcyane mecáhcujtsómé
metahjá panévaré meke tútávájtsóiyóne.

Jetsóó Píívyéébé Hajchi

6 Muurá méwaajácú Jetsóó Píívyéébé Hajchi
íjcyane dibyee tsójtsótsámeícyooca Ílli dibye íjcyane
dííbyere Píívyéébe cáámetu néénéllííhye. Áhdurée
dibye dsíjívécooca úújétsoobe Ílli dibye íjcyane. Aane

muurá Íapííchó méhdivu bóhówátsohíjcyá ímiááné tene íjcyane.

7 Muurá íjcyámé níjkyéjiri pápihchúúmeva Píívyéébé Hajchi Jetsóó íjcyane néémeé: Diibye páñetu Ílli Jetsocrijtoo, Cááníí, Íapííchoo, éhdume. Aame pápihchúúmeva íjcyame tsáápiiyéro.

8 Téhdure íñe ííñújiri pápihchúúmeva teene bóhówajtsóhi: Dibyéé tsójtsótsámeícyooa Cááni nééneé, dibyéé dsíjívécocooa tsiíñe dííbyere nééneé, Íapiichó meke néhijcyánee, éhdune. Aane pápihchúúmeva íjcyane tsanééré méhdivu bóhówajtsóhi.

9 Muurá mecáhcujsó míamúnaa meke nééneé. Aanéjii muurá mecáhcújtsóiyá Píívyéébe meke nééneé. Muurá dííbyere meke néé Jetsóó Ílli íjcyane.

10 Áánéllii pámeere dííbyeke cáhcujsómé waajácú íííbúuri ímiááné Píívyéébé Hajchi dibye íjcyane. Áánetu teene cáhcujsotúmé állíu múnáájpidi dilló dííbyeke.

11 Árónáa neebe Íllij tééveri meke íajcuíñé múijyú medsíjívéjúcóóítyúne bóhíívu.

12 Aane pámeere dííbyé Hájchima íjcyame tsúúca teene ujcúhi. Áánetu dííbyema íjcyátúmedi tsá tene íjcyatúne.

Nihñéeneré túkevétsoju

13 Ehdu íñe ámuíhakye ó caatúnú Píívyéébé Hájchikye ámuha mecáhcújtsómeke ámuha mewáájácu tsúúca ámuha múijyú medsíjívéjúcóóítyúne bóhííma meíjcyane.

14 Muurá méwaajácú Píivyéébe ímillédújuco tene néhajchíí dííbyeke metáúmeíñé díbye meke lléébone.

15 Áánéllii méwaajácú díbye meke píááboíñé páneere dííbyeke metáúmeíñetu.

16 Aane tsaapi ménahbe ímityúné méénúhajchíí múu dííbyé hallúvú píáábó táúmeí Píivyéébeke díbye dííbyedi ídáátsóvéne dííbyé ímityú íábájíive díbye téené déjúcotu ídsíjívétuki. Árónáa íjcyané tsane ímityúné meméénúné déjúcotu medsíjívéiyóne. Aane téenéeméné díbye méénúhajchíí metáúmeídí píáábó dííbyé hallúvu.

17 Muurá páneere Píivyéébe ímíletúné meméénunéhjí ímityúne. Árónáa íjcyané tsane téené déjúcotu medsíjívéiyóne.

18-19 Árónáa méwaajácú ímiáané Píivyéébeke mecáánivahíjcyámé ímityúné pañévú meúcaavéjúcootúné dííbyé Hajchi meke Naavéné mújtátsóiyónetu téhmehíjcyanéllííhye. Áánéllii muurá tsá díbye meke mújtátsóityuró Píivyéébeéjté meíjcyámeke. Áánetu íñe múhdumé ííñújiri íjcyané míamúnaa Píivyéébeke cáhcújtsotúmé dííbye Naavéné hójtsí pañe.

20 Muurá méwaajácú Píivyéébé Hajchíí tsááne ííñujívú meke iwáájácútso muhdú ímiáábé Cááni íjcyane dííbyema ímí meíjcyaki. Aame ícyooca ímí dííbyema méíjcyá Ílli Jetsocríjtoma meíjcyanéllííhye. Aane ímiáábé Píivyéébe íjcyabe meke ajcú múijyú medsíjívéjúcóóityúne bóhíívu.

21 Ahdícyane, ámuúha Llihíúmuj, óvíjyacóóné

dííbyedítýú ámuhákye mújtátsóíyonéhjí ámuha
mecáánívahíjcyáne. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48